



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏ ՈՐՈՇՈՒՄ

«18» նոյեմբերի 2025թ. N: 665 -Ա ք.Գյումրի

ԱՐՏԱԿԱՐԳ ԻՐԱՎԻՃԱԿՆԵՐՈՒՄ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ՏԱՐԱՀԱՆՎԱԾ ԲՆԱԿԶՈՒԹՅԱՆ ԿԵՆՍԱԱՊԱՀՈՎՄԱՆ ԳՈՐԾԸՆԹԱՅԻ ՆԱԽԱՊԱՏՐԱՍՏՄԱՆ ՄԻՋՈՑԱԴՈՒՄՆԵՐԻ ՊԼԱՆԸ ՀԱՍՏԱՏԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶՊԵՏԻ 2023 ԹՎԱԿԱՆԻ ՀՈԿՏԵՄԲԵՐԻ 24-ի N:416-Ա ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ ՄԱՍԻՆ

Ղեկավարվելով «Տարածքային կառավարման մասին» Հայաստանի Հանրապետության օրենքի 19-րդ հոդվածի 1-ին մասի 1-ին կետի, «Նորմատիվ իրավական ակտերի մասին» Հայաստանի Հանրապետության օրենքի 37-րդ հոդվածի 1-ին մասի, «Արտակարգ իրավիճակներում բնակչության պաշտպանության մասին» Հայաստանի Հանրապետության օրենքի 15-րդ հոդվածի դրույթներով, հիմք ընդունելով Հայաստանի Հանրապետության կառավարության 2010 թվականի հունիսի 24-ի N 824-Ն որոշմամբ հաստատված «Տարահանված բնակչության տեղաբաշխման տեղամասերում կենսաապահովման կարգի» 2-րդ, 9-րդ, 10-րդ և 11-րդ կետերի դրույթները և հաշվի առնելով Հայաստանի Հանրապետության ներքին գործերի նախարարության փրկարար ծառայության Շիրակի մարզային փրկարարական վարչության պետի 2025 թվականի մայիսի 22-ի N 933-95/15 գրությունը՝

Ո Ր Ո Շ Ո Ւ Մ ԵՄ՝

1. Հաստատել՝

1) Հայաստանի Հանրապետության Շիրակի մարզի տարահանված բնակչության կենսաապահովման գործընթացի նախապատրաստման միջոցառումների պլանը՝ համաձայն N 1 հավելվածի,

2) Հայաստանի Հանրապետության Շիրակի մարզի 10 կիլոմետրանոց սահմանամերձ գոտուց ըստ տարիքային խմբերի տարահանված բնակչության հաշվարկը՝ համաձայն N 2 հավելվածի,

3) Հայաստանի Հանրապետության Շիրակի մարզի 10 կիլոմետրանոց սահմանամերձ գոտուց տարահանված բնակչության սննդամթերքով ապահովման հաշվարկը՝ համաձայն N 3 հավելվածի,